

王臨川全集

埽葉山房印行

王臨川全集卷十一

內制

冊文

表本

青詞

密詞

祝文

齋文

郊祀昊天上帝冊文

伏以眷命作邦百年於此蒙休承福外內用寧施及沖人嗣膺歷服燎禋有典稱秩惟時

郊祀皇地祇冊文

伏以大報于郊有典咸秩厥作成物配天同功合食泰壇義存一體猥以沖眇紹休前人絜承昭事不敢不察

郊祀配帝太祖皇帝冊文

伏以命于帝廷肇造區夏掃除僭倖人以永寧陟配天郊實存舊典靈承圭薦其敢忘初

朝享景靈宮聖祖大帝冊文

伏以靈德在天實基皇命降依下土臨況後人方以眇躬進承郊廟神遊所御獻享惟時庶幾顧歆永有蒙賴

朝享仁宗皇帝冊文

伏以體道邁德寵綏臣民休嘉丕延燕及于後肆以寡昧獲承郊宮裸饋有儀敢忘用舊

朝享英宗皇帝冊文

伏以靈德美行實兆初潛神民所歆寶命自至祗紹考服循而弗改用謚土宇以詒沖人登祔新宮歷茲嘉月燎禋有舊裸享惟時

皇后冊文

維熙寧二年歲次己酉四月丁酉朔二十六日壬戌皇帝若曰自昔有天下必擇建厥配以承宗廟以御家邦肆朕受命奉循前烈考慎典冊以祈協于神民咨爾向氏懿柔淑恭舊有顯聞肇功惟祖弼亮帝室流德之澤覃延後嗣是產碩媛比賢姜任越朕初載來嬪藩邸盟饋在中率禮無違以至嗣服祗承內事齋明夙夜罔有曠失宜崇位號表正宮庭今遣攝太尉推忠協謀同德佐理功臣樞密使光祿大夫檢校太傅行尙書刑部侍郎上柱國東平郡開國公食邑五千戶食實封一千戶呂公弼攝司徒朝散大夫右諫議大夫叅知政事護軍太原郡開國侯食邑一千一百戶賜紫金魚袋王珪持節冊命爾爲皇后夫惟興王釐厥士女咸自內始達于四海朕克勤人用弗怠朕克儉人用弗奢朕克正

人用無敢側頗僻爾勵朕相乃濟登茲於戲厥初惟艱惟慎厥終爾枕念茲朕以永享天祿爾亦豫膺無疆之福豈不臧哉

先天節皇帝謝內中露香表

伏以眇躬無似實膺駿命之休釐事有初敢廢靈承之舊冀蒙僊聖俯監齋精天貺節皇帝謝內中露香表

伏以靈命告休嘉名紀節用露熏之故事酬乾施之至恩仰賴監臨俯垂歆祐降聖節皇帝謝內中露香表

伏以昊天錫命實佑永圖良月御時載臨嘉節率循故事升薦至誠仰冀靈明溥垂庇貺

冬至節皇帝謝內中露香表

伏以四氣隨旋一陽來復仰瞻穹昊祇薦芬香所冀含生並蒙垂福

南郊青城皇帝問太皇太后皇太后聖體表

臣名言自宮徂郊夙夜祗事方此寒沍關於定省伏惟比日寢食宜加

太皇太后回荅皇帝問聖體書

太皇太后致書于皇帝奉祠郊宮爲國大事夙興夜寐固已勤勞勉慎節宣以

膺禧福

皇太后回荅太廟皇帝問聖體書

太后致書于皇帝躬率羣臣肇見祖考孝思之至何以自勝尙慎興居以保休福

寒食節起居永定陵宣祖諸陵等處表

伏以榆火戒時柏城在望薦豆籩之新物弗獲躬親象几席之平居實存館御蠲烝有舊絜慕無窮

寒食節起居諸陵昭憲等諸后表

伏以桐華伊始火令載嚴獲嗣慶圖仰蒙慈芘追淑靈而莫逮歷時序以增思

中元節三陵起居諸后表

伏以素秋伊始華月旣盈物御氣以夷傷心感時而悽愴伏惟尊謚皇后惠風無斃慈範有詒猥以眇冲仰承慶裕瞻幽靈之所宅結永慕之至懷

八月一日永昭陵旦表

伏以暑往御時宵中應律載班秋朔申薦廟嘗伏惟尊謚皇帝體道成乾施仁應物率土方涵於聖化賓天遽愴於神遊追龍駕於空衢莫知所稅瞻烏耘之

新隴但有至懷

十月一日永昭陵奏告仁宗皇帝旦表

伏以月乘該闕時御閉藏歲回薄以將更物盛多而可享恭惟尊謚皇帝德符穹昊功濟黎元方求大隗之居遂兆成周之葬光靈在望感惻交懷

十月一日起居永昭陵等處諸陵表

伏以日星隨旋歲月從邁物更收擗之候入積悽愴之懷恭惟尊謚皇帝躬睿廣之材撫休明之運協九皇而高世追三后之在天方以眇躬嗣膺神器想威靈之如在感氣序以增歆

十月一日起居永安陵等處諸后陵表

伏以哀恫在疚未盡通喪弦晦如流載更良月恭惟尊謚皇后降輦嫺納播美河洲著慈範以如存流徽音而可想邇陵永望感節深追

冬至節上諸陵表

伏以氣復黃宮暑移北陸物驗土灰之應官修雲物之占恭惟尊號皇帝睿廣應期休明作乂收功既往巫範方來感時序之變流想威靈而慘結

冬至節上諸皇后陵表

伏以四時交御一氣潛萌慶雖屬於履長悲豈忘於追慕恭惟尊謚皇后升儷尊極協成修明德範有詒方美王睢之摯容衣不闕尙瞻綸翟之華永想光靈詎勝摧感

寒食節上南京鴻慶宮等處太祖諸帝表

伏以火禁肇修春祺溥被維是奉粢之禮適當濡露之時恭惟尊謚皇帝德協上穹功施後裔俸神鄉而弗反厥聖像以如存純慕威靈載懷感沐

中元節起居外州諸宮觀諸帝神御殿表

伏以夷則御辰商聲甫協望舒戒節陰魄旣盈伏惟尊號皇帝道邁往初恩涵品彙於屬車之所御有原廟之舊儀方此戒寒豈勝追遠

中元節起居諸陵表

伏以方秋厥初旣月之望昊天始肅繁露未晞伏惟尊謚皇帝若昔大猷受天明命躬有靈德燕及後昆猥以眇躬紹膺慶緒至恩罔極寧忘駿命之休釐事有初敢廢靈承之舊冀蒙僊聖俯鑒齋精

十月一日起居揚州諸帝神御殿表

伏以徂歲如流甫更良月遺衣所御實有經祠方屬投艱仰承錫羨瞻威靈而

如在歷時序以增思

冬至節上南京鴻慶宮等諸帝表

伏以子位杓回黃宮氣應旣兆天正之始方扶陽律之微恭惟尊號皇帝體道邁仁膺時建極豫游所次館御如存撫時序之變更仰威神而感惻

先天節奏告仁宗皇帝表

伏以金氣御時商聲應律仰閱火流之速俯沾露降之淒伏惟仁宗皇帝功協聖謨道俛乾則巫至仁而不冒慶實無窮感素節以深追悲何有極

南郊下元節更不於景靈宮朝拜奏告聖祖大帝表

伏以帝繫所元僊遊如在載更令節當款殊庭以卜禋祠將陳裸獻惟祭儀之難黷冀神監之具昭

南郊禮畢皇帝謝內中功德表

伏以蠲烝廟祧潔告郊時實蒙芘貺以獲顧歆惟錫福之無窮曷歸誠之有已  
南郊禮畢福寧殿奏謝英宗皇帝表

伏以膺命紹休諏時協吉告潔柔於廟室奠嘉玉於郊丘雖祇奉聖謨獲無疆之慶賴而深追神眷重罔極之哀摧

三陽川全集 卷十一  
眞宗皇帝忌辰奏告永定陵景靈宮慈德殿表

伏以慶靈同薄永芘後昆時序徂遷奄更諱日威神在望感怵兼懷

集禧觀開啟爲民祈福祈晴道場默表

伏以雨淫爲苗民用愁墊式陳淨供以致誠祈冀格靈明遂蒙開霽惟潔粢之無害仰休饗之有依

南京鴻慶宮開啟皇帝本命道場青詞

伏以寶命有詒以自求而致福至神無體隨所感而應誠祇奉靈科實存故事冀蒙逕福俯暨含生

延祥觀開啟太皇太后本命道場青詞二道

伏以寶歷有詒眇躬實嗣獲承慈範仰荷神休方元命之在辰按舊儀而庀事庶蒙慶祐永錫壽祺

二

伏以聖功輔世已大濟於艱虞神道示人用寵綏於祉福敢因穀旦祇奉靈科冀大錫於壽祺得永承於慈範

崇先觀奉元殿開啟皇太后本命靈寶道場青詞

伏以克紹慶基實蒙慈訓逮茲元命若昔宗祈冀靈鑒之俯昭丕壽祺之永錫  
靈釐內殿開啓太皇太后生辰道場青詞

伏以壇席盛陳科儀肅設眷言慈廕祝此誕辰永綏壽考之祺上賴神靈之祐  
靈釐內殿開啓皇太后生辰道場青詞

伏以集黃冠之勝眾仰紫極之眞游按用科儀營祈祉福仰求聰鑒俯應誠心  
西太一宮開啓皇太后生辰道場青詞

伏以眞聖在天式序照臨之位眇冲嗣歷永惟顧復之恩敢因誕毓之辰祇薦  
熏修之事仰祈眷祐俯察傾輸推純嘏以及親與羣生而均貺

龍圖閣開啓皇太后生辰道場青詞

伏以妙善可依每俯從於誠悃至恩難報唯仰祝於壽祺祇奉靈科隆施淨供  
上賴監歆之力永綏顧復之慈

廣聖宮開啓眞宗皇帝忌辰道場青詞

伏以深追諱日祇奉靈科仰承神福之繁率用邦儀之舊永惟道蔭昭此誠祈  
福寧殿罷散三長月祝聖壽道場青詞

伏以順長羸之嘉月按齋祝之靈科庶用熏修溥膺眷祐精衷以薦釐事旣成

仰賴聖眞俯昭誠悃

福寧殿開啓三長月道場青詞

伏以降年有永實繇陰騭之功嗣歷無疆必謹靈承之志帥時典故若昔科儀仰賴監觀俯陟庇貺

福寧殿罷散三長月道場青詞

伏以監觀在上禳祝有儀祗率舊章仰祈况施茂惟休福俯逮烝黎

福寧殿開啓三長月道場青詞

伏以臯月紀時凱風應律罄齋精而上禱冀眞聖之俯臨永賴監觀普陟庇祐敢忘寅畏仰荅顧歆

福寧殿罷散三長月道場青詞

伏以協用靈科宗祈永命惟神心之降格獲釐事之告成冀與羣元並膺遐福福寧殿開啓南郊道場青詞

伏以欽柴宗祈爲國大事前期齋禱舊典有稽仰冀靈明俯垂眷祐

景靈宮三殿看經堂開啓中元節道場青詞

伏以三元令節釐事有經祇薦潔誠宗祈祉福仰繁庇貺覃及庶黎

景靈宮保寧閣下元節道場青詞

伏以殊廷外建嘉節俯臨夙設靈壇蠲烝順祝冀蒙眞聖至祐羣黎

醴泉觀寧聖殿開啟爲民祈福保夏道場青詞

伏以聖眞丕冒品庶具依當蕃啟之盛時用熏修之故事仰祈聰直俯鑒齋精溥至庇祐之仁申錫壽康之福

醴泉觀寧聖殿開啟年交道場青詞

伏以像圖夙設壇席載嚴當此歲陰之交率時禳祝之舊仰惟庇貺俯逮黎元集禧觀洪福殿開啟謝雨道場青詞

伏以旱暵成災懼物生之疵癘祓齋以禱荷神睠之顧綏載闡靈場式陳昭報尙冀涵濡之施以終庇祐之仁

在京諸宮觀景靈宮等處祈雪青詞

伏以華歲幾終同雲未兆物將疵癘咎在眇冲敢罄齋精上求嘉應冀蒙貺施孚祐含生

謝晴青詞

伏以密雲作雨暘不時若蒙神賜祐苗沴用除奔走祓齋以謝靈貺祀儀有秩

三民川全錄 卷十一  
不敢怠忘

坊州秋祭聖祖大帝青詞

伏以祠城在望御館如存敢因擎歛之辰祇用吉蠲之薦冀蒙丕祐俯賜降歆  
滄瀛州地震設醮青詞

伏以地德安靜震非其常陰陽厥愆以告咎罰禴禳有典仰賴監歆所冀方隅  
具膺庇貺

二

伏以自河以北坤載不寧敷置淨筵以祈後福仰惟皇覺敷祐羣生監此齋精  
俯陞庇貺

北嶽廟爲定州地震開啟祭禱道場青詞

恭以地職持載靜惟其常今茲震搖以警不德涉河而北又用驚騷惟嶽有神  
芘綏厥壤祓除祠館按用祈儀請命上靈冀蒙孚佑敢忘寅畏以荅眷歆

集禧觀開啟保夏祝聖壽金籙道場密詞

伏以時在炎烝物方蕃祉卽祠庭之精闕竭清道之嚴祇仰冀監觀俯陞庇祐  
具綏福履申弭疾殃覃及羣黎永膺馘穀

崇先觀開啟保夏祝聖壽金籙道場密詞

伏以眷祐無疆熏修有舊尙朱明之紀候祈蒼昊之巫仁申錫休嘉外覃品庶敢怠靈承之志永膺丕冒之恩

延福宮開啟皇后生辰道場密詞

伏以統洽后宮協承先廟誕辰俯及釐事有常惟萬德之博臨冀百祥之永錫延福宮開啟皇太后生辰道場密詞

伏以協承實命恩維拊育之深俯應羣情法有總持之妙齋場夙設慶事備終敢祈西竺之威神永佑東朝之福履

金明池開啟謝雨道場密詞

伏以蕃啟在時蘊隆爲虐罄齋精而上禱蒙膏潤之旁流祇報靈休式陳淨供尙祈終賜無使後艱

興國寺開先殿奏告太祖皇帝孝明皇后祝文

伏以像設有嚴神游所御瞻衣冠而如在懼風雨之弗除庀事將興涓辰旣吉永賴靈明之鑒俯昭怵惕之懷

西京應天禪院奏告太祖太宗眞宗皇帝御容祝文

告遷奉安還本殿之意

伏以殊庭有血館御如存吉日旣蠲繕修惟謹式陳嘉薦以妥明靈

啟聖院永隆殿奏告太宗皇帝元德皇后祝文

伏以威神所感營繕有期考禮舊章宜時潔告茂惟靈德俯鑒至懷

太廟八室奉慈諸廟奏告南郊等處祝文

伏以三歲一郊實昭大報前期潔告國有故常侔翼靈明俯烝鑒祐

諸皇后陵奏告謝南郊禮畢祝文

伏以禋饗郊宮國之重事唯蒙慈庇以獲休成策祝有經敢忘用舊

景靈宮英德殿奉安英宗皇帝御容祝文

伏以先聖舊祠祖宗所御嗣興寶構追奉靈游諏日旣嘉具儀以妥徂惟在上

永保厥寧

天章閣延昌殿權奉安英宗皇帝御容祝文

伏以相名山於洛宅旣兆寢園倣原廟於漢儀將遷館御潔除祕宇嚴奉睟容  
冀靈蹕之少安副衷情之罔極

西京應天禪院拆修太祖神御殿祭告祝文

廟剎有嚴威神所御將改新於寶構永欽奉於睟容仰冀靈明俯烝鑒祐

景靈宮修蓋英宗皇帝神御殿上梁祭告太歲已下諸神祝文

伏以欽奉僊游肇營寶構舉修梁而揆日具蠲餼以寧神祓此後艱仰繫大祐  
慈孝寺崇眞彰德殿爲經霖雨巫脊脫落奏告祝文

伏以雨淫告灾垣屋或壞惟神所御有圯弗支諏用靈辰改新厥構蠲爲祗薦  
於禮有常

太廟后廟奉慈廟雅飾告祝文

伏以三歲一郊祖宗成法靈明所御繪飾有時方此僦工禮當潔告

西太一宮立秋祝文

伏以候火旣流占灰南應眞游所御靈時具存率循舊章作薦常事仰祈錫福  
大芘含生

中太一宮立冬祝文

伏以館御國郊庇祝天物祠宮筴祝在禮有經涓選吉時作薦常事敢祈孚祐  
施及羣黎

九宮貴神祝文

伏以卜用靈辰躬修禋享清壇所兆潔告有常

景靈宮里域眞官祝文

伏以宗祈陽郊祇見神祖葆茲淨域夙賴眞靈祇率舊章式陳嘉薦

天地社稷宮觀等處祈晴青詞祝文

積陰爲沴淫雨弗止蕩決漂墊將爲民菑懼德不類以干咎罰是用齋祓宗祈明靈冀蒙巫矜遂獲開霽休嘉之錫實被含生

五嶽四瀆諸廟祈晴祝文

淫雨弗止將爲民菑懼德不孚以罹咎罰是用奔走禱于明神惟神監觀惠以時暘非民獨蒙嘉福神亦永有休享

定州北嶽爲地震祭禱祝文

伏以自河以北陽出鎮陰人用不寧咎由菲德永惟聰直庇祐一方祇飭使人齋精以禱尙蒙歆鑒無有後艱

文德殿告遷御容祝文

伏以綬冠卽事喪紀有終黼座厥神哀懷靡極度新宮而館御諏吉日以徂遷式冀靈明永歆豐潔

南郊青城綵內畢功大殿上開啟保安祝壽諷孔雀